

Ո Ր Ո Շ ՈՒ Մ

31 հուլիսի 2006թ.

N 400

ք. Ստեփանակերտ

ՀԱՐԿԱՅԻՆ ՄԱՐՄՆԻ ԿՈՂՄԻՑ ՀԱՐԿ ՎՃԱՐՈՂՆԵՐԻ ^{*)} ՎԵՐԱԲԵՐՅԱԼ ՏԿՅԱԼՆԵՐԻ ՀՐԱՊԱՐԱԿՄԱՆ ԿԱՐԳԸ ՀԱՍՏԱՏԵԼՈՒ ՄԱՍԻՆ

«Հարկերի մասին» Լեռնային Ղարաբաղի Հանրապետության օրենքի 30-րդ ^{*)}, ^{*)} և «Հսկիչ-դրամարկղային մեքենաների կիրառման մասին» Լեռնային Ղարաբաղի Հանրապետության օրենքի 11-րդ հոդվածներին համապատասխան՝ Լեռնային Ղարաբաղի Հանրապետության կառավարությունը **ո Ր Ո Շ ՈՒ Մ Է.**

1. Հաստատել հարկային մարմնի կողմից հարկ վճարողների ^{*)} վերաբերյալ տվյալների հրապարակման կարգը՝ համաձայն N 1 հավելվածի և ցանկերի ձևերը (NN 1-13)՝ համաձայն N 2 հավելվածի:

2. Ուժը կորցրած ճանաչել Լեռնային Ղարաբաղի Հանրապետության կառավարության 2002 թվականի հունիսի 25-ի «Հաշվետու տարվա արդյունքներով հարկային վնասներ հայտարարագրած և ապառքներ, պարտադիր սոցիալական ապահովագրության վճարների գծով պարտավորություններ կուտակած, հարկեր վճարած հարկ վճարողների (ապահովադիրների) վերաբերյալ տվյալների հրապարակման կարգը հաստատելու մասին» N 151 որոշումը:

3. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

ԼՂՀ ՎԱՐՉԱՊԵՏ

Ա.ՂԱՆԻԵԼՅԱՆ

Կ Ա Ր Գ

ՀԱՐԿԱՅԻՆ ՄԱՐՄՆԻ ԿՈՂՄԻՑ ՀԱՐԿ ՎՃԱՐՈՂՆԵՐԻ^{*6)} ՎԵՐԱԲԵՐՅԱԼ ՏՎՅԱԼՆԵՐԻ ՀՐԱՊԱՐԱԿՄԱՆ

1. Սույն կարգով կանոնակարգվում է «Հարկերի մասին» Լեռնային Ղարաբաղի Հանրապետության օրենքի 30-րդ հոդվածով,^{*6)} «Հսկիչ-դրամարկղային մեքենաների կիրառման մասին» Լեռնային Ղարաբաղի Հանրապետության օրենքի 11-րդ հոդվածով նախատեսված դեպքերում սույն կարգի 2-րդ և 3-րդ կետերում նշված հարկ վճարողների^{*6)} վերաբերյալ տվյալների հրապարակման գործընթացը:

2. Սույն կարգով սահմանված ձևով և կարգով հարկային մարմինը մինչև հաշվետու տարվան հաջորդող տարվա հուլիսի 1-ը հրապարակում է՝

ա) «Շահութահարկի մասին» Լեռնային Ղարաբաղի Հանրապետության օրենքի համաձայն հաշվետու տարվա արդյունքներով (ռեզիդենտների շահութահարկի տարեկան հաշվարկի, ոչ ռեզիդենտների տարեկան եկամտների մասին հաշվարկի^{*6)} հիման վրա) 1.0 մլն դրամ և ավելի հարկային վնասներ հայտարարագրած հարկ վճարողների մասին տվյալները (N 1 ձև):

*Ուժը կորցրած է ճանաչվել^{*3)}*

բ) հաշվետու տարվա դեկտեմբերի 31-ի դրությամբ 1.0 մլն. դրամ և ավելի ապառք (չվճարված հարկերի, տուրքերի և այլ պարտադիր վճարների գումար)^{*4)} կուտակած հարկ վճարողների մասին տվյալները (N 3 ձև):

*զ) (ուժը կորցրած է ճանաչվել)^{*5)}*

դ) հաշվետու տարվա արդյունքներով Լեռնային Ղարաբաղի Հանրապետության պետական բյուջե 10.0 մլն դրամ և ավելի շահութահարկ վճարած հարկ վճարողների վերաբերյալ տվյալները (N 5 ձև), ինչպես նաև 1.0 մլն դրամ և ավելի շահութահարկ վճարած բանկերի և նրանց կողմից վճարված շահութահարկի մեծության վերաբերյալ տվյալները (N 6 ձև):

ե) հաշվետու տարվա արդյունքներով Լեռնային Ղարաբաղի Հանրապետության պետական բյուջե 3.0 մլն դրամ և ավելի եկամտային հարկ^{*6)} վճարած հարկային գործակալների (առևտրային կազմակերպությունների)^{*7)} վերաբերյալ տվյալները (N 7 ձև):

զ) օգտակար հանածոների արդյունահանման լիցենզիա, թույլտվություն կամ արտոնագրեր ունեցող, սակայն գործունեություն չիրականացնելու մասին հայտարարություն կամ գրոյական հաշվարկ-հաշվետվություններ ներկայացրած հարկ վճարողների վերաբերյալ տվյալները (N 8 ձև):

*է) (ուժը կորցրած է ճանաչվել)^{*6)}*

3. Սույն կարգով սահմանված ձևով և կարգով հարկային մարմինը մինչև յուրաքանչյուր եռամսյակին հաջորդող ամսվա 25-ը հրապարակում է՝

ա) առաջին 300 խոշոր հարկ վճարողների (առևտրային կազմակերպությունների և անհատ ձեռնարկատերերի)^{*7)} ցանկերը և նրանց կողմից ֆինանսական տարվա սկզբից վճարված հարկերի մեծությունները՝ հաշվարկված աճողական կարգով (N 10 ձև):^{*1),*5)}

*բ) (ուժը կորցրած է ճանաչվել)^{*6)}*

*գ) (ուժը կորցրած է ճանաչվել)^{*6)}*

դ) հսկիչ-դրամարկղային մեքենաների գրանցման կարգի և (կամ) շահագործման կանոնների երեք և ավելի խախտում թույլ տված կազմակերպությունների և անհատ ձեռնարկատերերի ցանկը (N 13 ձև): Ընդ որում, ցանկում ներառվում են այն կազմակերպությունների և անհատ ձեռնարկատերերի վերաբերյալ տվյալները, որոնց մոտ տվյալ եռամսյակում արձանագրվել են հսկիչ-դրամարկղային մեքենաների գրանցման կարգի և (կամ) շահագործման կանոնների խախտման երրորդ և ավելի դեպքերը:

4. Սույն կարգի 2-րդ և 3-րդ կետերով սահմանված հարկ վճարողների^{*6)} վերաբերյալ տվյալները Լեռնային Ղարաբաղի Հանրապետության կառավարությանն առընթեր հարկային պետական ծառայության կողմից հրապարակվում են հարկային մարմնի պաշտոնական ինտերնետային կայքում^{*5)}:

5. Հիմք ընդունելով հարկային մարմնի կողմից անցկացված ստուգումների արդյունքներն ու սույն կարգի 2-րդ և 3-րդ կետերում նշված տեղեկությունների (տվյալների) համար հիմք հանդիսացող հաշվարկներում^{*6)} հարկ վճարողների կողմից Լեռնային Ղարաբաղի Հանրապետության օրենսդրությամբ սահմանված կարգով ինքնուրույնաբար ճշգրտումներ կատարելու հանգամանքը, հարկ վճարողների դիմումների հիման վրա, Լեռնային Ղարաբաղի Հանրապետության կառավարությանն առընթեր հարկային պետական ծառայությունը կարող է հրապարակել հարկ վճարողների^{*6)} վերաբերյալ սույն կարգով

նախատեսված տվյալների ճշգրտումներ՝ մինչև սահմանված ժամկետում հերթական ցանկի հրապարակման օրը:

ԼՂՀ ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ - ՆԱԽԱՐԱՐ

Ս. ԳՐԻԳՈՐՅԱՆ

Հավելված N 2
ԼՂՀ կառավարության
31 հուլիսի 2006 թ.
N 400 որոշման

Ձև N 1

Ց Ա Ն Կ

200.....ԹՎԱԿԱՆԻ ՀԱՇՎԵՏՈՒ ՏԱՐԿԱ ԱՐԴՅՈՒՆՔՆԵՐՈՎ 1.0 ՄԸՆ ԴՐԱՄ ԵՎ ԱՎԵԼԻ ՀԱՐԿԱՅԻՆ
ՎՆԱՄՆԵՐ ՀԱՅՏԱՐԱՐԱԳՐԱԾ ՀԱՐԿ ՎՃԱՐՈՂՆԵՐԻ

NN ը/կ	ՀՎՀՀ	Կազմակերպության անվանումը	Հարկ վճարողի գտնվելու վայրը	Վնասի մեծությունը (հազ. դրամ)
1	2	3	4	5

Ձև N 2

Ց Ա Ն Կ

200.....ԹՎԱԿԱՆԻ ՀԱՇՎԵՏՈՒ ՏԱՐԿԱ ԱՐԴՅՈՒՆՔՆԵՐՈՎ՝ ԿԱՏԱՐԿԱԾ ՆԵՐԴՐՈՒՄՆԵՐԻ
ՀԵՏԵՎԱՆՔՈՎ 1.0 ՄԸՆ ԴՐԱՄ ԵՎ ԱՎԵԼԻ ՀԱՐԿԱՅԻՆ ՎՆԱՄՆԵՐ ՀԱՅՏԱՐԱՐԱԳՐԱԾ ՀԱՐԿ
ՎՃԱՐՈՂՆԵՐԻ

(ուժը կորցրած է ճանաչվել) *3)

Ձև N 3

Ց Ա Ն Կ

200.....ԹՎԱԿԱՆԻ ՀԱՇՎԵՏՈՒ ՏԱՐԿԱ ԱՐԴՅՈՒՆՔՆԵՐՈՎ 1.0 ՄԸՆ ԴՐԱՄ ԵՎ ԱՎԵԼԻ
ԱՊԱՌՔ ԿՈՒՏԱԿԱԾ ՀԱՐԿ ՎՃԱՐՈՂՆԵՐԻ

NN ը/կ	ՀՎՀՀ	Հարկ վճարողի անվանումը	Հարկ վճարողի գտնվելու վայրը	Ապառքի գումարը (հազ. դրամ)
1	2	3	4	5

Ց Ա Ն Կ

200.....ԹՎԱԿԱՆԻ ՀԱՇՎԵՏՈՒ ՏԱՐԿԱՆ ՆԱԽՈՐՀՐԴՈՂ ԵՎ ՀԱՇՎԵՏՈՒ ՏԱՐՈՒՄ ՇԱՀՈՒԹԱՀԱՐԿԻ 50 ԵՎ 100 ՏՈԿՈՍ ՆԿԱԶԵՑՄԱՆ ԱՐՏՈՆՈՒԹՅՈՒՆԻՑ ՕԳՏՎՈՂ ՌԵԶԻԴԵՆՏ ԿԱԶՄԱԿԵՐՊՈՒԹՅՈՒՆՆԵՐԻ

(ուժը կորցրած է ճանաչվել) *5)

Ց Ա Ն Կ

200.....ԹՎԱԿԱՆԻ ՀԱՇՎԵՏՈՒ ՏԱՐԿԱ ԱՐԴՅՈՒՆՔՆԵՐՈՎ ԼՂՀ ՊԵՏԱԿԱՆ ԲՅՈՒԶԵ 10.0 ՍՆ ՊՐԱՄ ԵՎ ԱՎԵԼԻ ՇԱՀՈՒԹԱՀԱՐԿ ԿՃԱՐԱԾ ՀԱՐԿ ԿՃԱՐՈՂՆԵՐԻ

NN ը/կ	ՀՎՀՀ	Կազմակերպության անվանումը	Հարկ վճարողի գտնվելու վայրը	Վճարված գումարը (հազ. դրամ)
1	2	3	4	5

Ց Ա Ն Կ

200.....ԹՎԱԿԱՆԻ ՀԱՇՎԵՏՈՒ ՏԱՐԿԱ ԱՐԴՅՈՒՆՔՆԵՐՈՎ ԼՂՀ ՊԵՏԱԿԱՆ ԲՅՈՒԶԵ 1.0 ՍՆ ՊՐԱՄ ԵՎ ԱՎԵԼԻ ՇԱՀՈՒԹԱՀԱՐԿ ԿՃԱՐԱԾ ԲԱՆԿԵՐԻ

NN ը/կ	ՀՎՀՀ	Կազմակերպության անվանումը	Հարկ վճարողի գտնվելու վայրը	Վճարված շահութահարկը (հազ.դրամ)
1	2	3	4	5

Ց Ա Ն Կ*1)

200.....ԹՎԱԿԱՆԻ ՀԱՇՎԵՏՈՒ ՏԱՐԿԱ ԱՐԴՅՈՒՆՔՆԵՐՈՎ ԼՂՀ ՊԵՏԱԿԱՆ ԲՅՈՒԶԵ 3.0 ՍՆ ՊՐԱՄ ԵՎ ԱՎԵԼԻ ԵԿԱՍՏԱՅԻՆ ՀԱՐԿ *6) ԿՃԱՐԱԾ ՀԱՐԿԱՅԻՆ ԳՈՐԾԱԿԱՆՆԵՐԻ (ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆՆԵՐԻ)

NN ը/կ	ՀՎՀՀ	Հարկ վճարողի անվանումը	Հարկ վճարողի գտնվելու վայրը	Վճարված եկամտայինհարկը *6) (հազ. դրամ)
1	2	3	4	5

Ց Ա Ն Կ¹⁾

3 ՄՆ ՂՐԱՄ ԵՎ ԱՎԵԼԻ ՊԱՐՏԱԴԻՐ ՍՈՑԻԱԼԱԿԱՆ ԱՊԱՀՈՎՈՒԹՅԱՆ²⁾ ՎՃԱՐ ՎՃԱՐԱԾ ԱՊԱՀՈՎԱԴԻՐՆԵՐԻ (ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆՆԵՐԻ) ԵՎ ՆՐԱՆՑ ԿՈՂՄԻՑ ՖԻՆԱՆՍԱԿԱՆ ՏԱՐՎԱ ՍԿԶԲԻՑ ՎՃԱՐՎԱԾ ՊԱՐՏԱԴԻՐ ՍՈՑԻԱԼԱԿԱՆ ԱՊԱՀՈՎՈՒԹՅԱՆ²⁾ ՎՃԱՐՆԵՐԻ ՄԵԾՈՒԹՅՈՒՆՆԵՐԻ

(ուժը կորցրած է ճանաչվել) ^{*6)}

Ց Ա Ն Կ

50 ԵՎ ԱՎԵԼԻ ԱՇԽԱՏՈՂՆԵՐԻ ՄԻՋԻՆ ՑՈՒՑԱԿԱՅԻՆ ԹԻՎ ՀԱՅՏԱՐԱՐԱԳՐԱԾ ԱՊԱՀՈՎԱԴԻՐ ՀԱՆԴԻՍԱՑՈՂ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆՆԵՐԻ

(ուժը կորցրած է ճանաչվել) ^{*6)}

Ց Ա Ն Կ

ՀԱԿԻՉ-ԴՐԱՄԱՐԿՂԱՅԻՆ ՄԵՔԵՆԱՆԵՐԻ ԳՐԱՆՑՄԱՆ ԿԱՐԳԻ ԵՎ (ԿԱՄ) ՇԱՀԱԳՈՐԾՄԱՆ ԿԱՆՈՆՆԵՐԻ 3 ԵՎ ԱՎԵԼԻ ԽԱՆՏՈՒՄ ԹՈՒՅԼ ՏՎԱԾ ԿԱԶՄԱԿԵՐՊՈՒԹՅՈՒՆՆԵՐԻ ԵՎ ԱՆՀԱՏ ԶԵՆՆԱՐԿԱՏԵՐԵՐԻ

NN ը/կ	ՀՎՀՀ	Հարկ վճարողի անվանումը	Հարկ վճարողի գտնվելու վայրը	Հարկ վճարողի ֆիրմային անվանումը (առկայության դեպքում)
1	2	3	4	5

ԼՂՀ ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ ՂԵԿԱՎԱՐ - ՆԱԽԱՐԱՐ

Ս. ԳՐԻԳՈՐՅԱՆ

*1) ԼՂՀ կառավարության 31.10.06թ. «Լեռնային Ղարաբաղի Հանրապետության կառավարության 2006 թվականի հուլիսի 31-ի N 400 որոշման մեջ լրացումներ և փոփոխություններ կատարելու մասին» թիվ 535 որոշման խմբագրությամբ

*2) ԼՂՀ կառավարության 18.03.08թ. «Լեռնային Ղարաբաղի Հանրապետության կառավարության մի շարք որոշումներում փոփոխություններ կատարելու մասին» թիվ 216 որոշման խմբագրությամբ

*3) ԼՂՀ կառավարության 10.06.10թ. «Լեռնային Ղարաբաղի Հանրապետության կառավարության 2006 թվականի հուլիսի 31-ի թիվ 400 որոշման մեջ փոփոխություն կատարելու մասին» N 277-Ն որոշման խմբագրությամբ

*4) ԼՂՀ կառավարության 28.03.12թ. «Լեռնային Ղարաբաղի Հանրապետության կառավարության 2000 թվականի հուլիսի 31-ի N 152 և 2006 թվականի հուլիսի 31-ի N 400 որոշումների մեջ փոփոխություններ կատարելու մասին» N 174-Ն որոշման խմբագրությամբ

*5) ԼՂՀ կառավարության 19.04.13թ. «Լեռնային Ղարաբաղի Հանրապետության կառավարության 2006 թվականի հուլիսի 31-ի N 400 որոշման մեջ փոփոխություններ կատարելու մասին» N 202-Ն որոշման խմբագրությամբ

*6) ԼՂՀ կառավարության 04.03.14թ. «Լեռնային Ղարաբաղի Հանրապետության կառավարության 2006 թվականի հուլիսի 31-ի N 400 որոշման մեջ փոփոխություններ կատարելու մասին» N 118-Ն որոշման խմբագրությամբ

*7) ԼՂՀ կառավարության 25.05.15թ. «Լեռնային Ղարաբաղի Հանրապետության կառավարության 2006 թվականի հուլիսի 31-ի N 400 որոշման մեջ լրացումներ կատարելու մասին» N 302-Ն որոշման խմբագրությամբ